

1.  
Sollicey Ordnung ettlicher  
punct vnd Artickel / in wel-  
chen die Römische Kayserliche Maiestat / vn-  
ser allergnedigster Herr / einer yeden Obhutheit /  
selbstien fürsehung zuthun beuolhen / Wie die  
in des Durchleuchtigen Hochgebornen  
Fürsten vnd Herrn / Herrn Georg-  
Friderichen / Marggrauens zu  
Brandenburg ꝛ. Fürsten-  
thumb außgangen.

Anno ꝛ.  
1549.

Q 421

# Register.

Von hochzeiten/am blat	i
Von Nachhochzeiten/vnd abfertigung frembder geladener Geste/nach den hochzeiten.	ij
Von vnordenlicher köstlichkeit der kleider.	ij
Von Kindtauffen/Kindbeth oder Sechßwochen hōuen wie manß nennt.	iiij
Von den Kirchweich tagen.	iiij
Von andern Gastungen.	iiij
Wie lang die Wirth/oder ander/Wein oder Bier schencken solch getranck gein der Nacht/auff iren heußern geben sollen.	iiij
Von Frisuppen essen/ Vranten Wein feylhaben / müßiggeen/steens vn̄ spaciren/auff den Kirchhöfen/vn̄ in den Kirchē/vnter dem Am̄t vn̄ predig Götlichs worts. v	v
Vntertrünck oder zechen zwischen den Malzeiten betreffend.	v
Abent Tantz an Feyertagen nit mehr zuhalten.	vj
Keinen hannen Tantz mehr zuhalten.	vij
Rocken Stuben nit zuhalten/noch auch das fenstern(wie man es nennt) zugestatten.	vij
In den Welden/hölzern/Wildpanen vnn̄d Wildfuern nit zuschießen.	viiij
	a ij

Von tawerer zerung bey den Wirthen/ volgt Keyserlicher Maieſtat beuelch.	ix
Von Malzeiten.	x
Von Weinschencken.	x
Von Bier/ Brot/ vnd Fleisch.	xi
Von Stalmiedt.	xij
Von habern.	xij
Das die Wirth den gſten/ die zerung vnterſchiedlich rech- nen ſollen.	xiii
Von Taglonern vnd Arbeitern/ Pottenlohn.	xiii
Allerley handwercker ordnungen antreffend.	xiii
Von Reiſigen knechten vnd Dienſtbotten.	xv
Von Leichtfertiger beywonung Keyſerlicher Maieſtat be- uelch.	xv
Von Faſtnacht kichlein/ vnd Faſtnacht kleidern.	xvij
Wehre mit zucken/ vnd Fudbot zuhalten.	xvij
Bürger vnd Bawern gericht belangend.	xviii
Gaſt Recht antreffend.	xviii
Mal ordnung im Land belangend.	xix
Allerley Embter / vnd dero verwaltungen Ierliche rech- nung antreffende.	xx
Aufſtelung der peen vnd freuel.	xx
Endt des Registers.	

# W Ir des Durchleuchtigen

hochgebornen Fürsten vnnnd Herrn/ Herrn Georgen  
Friderichs / Marggrauen zu Brandenburg/ zu Stettin/  
Pommern/ der Cassuben vñ Wenden/ Auch in Schlesien/  
zu Jegerndorff/ vnd ic. Herzogen/ Herrn der Fürstenthumb  
Opeln vnd Rattubarn/ Burggrauen zu Nürnberg/ vnnnd  
Fürsten zu Rugen/ vnser gnedigen Herrn verordnete Re-  
genten vnd Rethen im hauß zu Onolzbach/ Entbieten allen  
vnd yeden / vergemelts vnser gnedigē Herrn Ambtleuten/  
Castnern / Vogten / Richtern / Bürgermeistern / Rethen/  
Schultheissen/ Dorff vñ Viertelmeistern/ vñ Gemeinden/  
Vnser freuntlich dienst vnd gruß zuuor / Vnd sügen ewer  
yedem zuwissen/ Wiewol die Römisch Keyserlich Maiestat  
ic. vnser aller gnedigster Herr/ auff seiner Keyserlichen Ma-  
iestat Reichstag/ im verschiene dreissigsten Jare/ zu Aug-  
spurg gehalten/ mit sonderlicher vorbetrachtung vnnnd be-  
ratschlagung/ aller Churfürsten/ Fürsten/ vnnnd Stende/  
des heiligen Römischē Reichs/ allergnedigst versehen/ ord-  
nung vnd Reformation guter pollicey/ zu befürderung des  
gemeinen nutz/ im ganzen Römischen Reich/ sonderlich ab-  
er Teutscher Nation/ im truck außgeen lassen/ haben doch  
ir Maiestat bißheer souil vermerckt/ das dieselbig gar we-  
nig ins werck gebracht/ vnd derwegen ir Keyserliche Ma-  
iestat/ sambt Churfürsten/ Fürsten vnd Stenden des hey-  
ligen Reichs/ vnd der abwesenden Botschafften/ das alles/  
nit one sonderliche beschwerung/ zu gemuet geführt/ vñ auff  
irer Keyserlichen Maiestat jungsten/ im achtvndvierzigstē  
Jar/ abermals zu Augspurg gehaltenem Reichstage/ weiter  
geratschlagt vnd erwegen/ Wie doch die grausame gotß-  
lesterungen/ schwüre/ fläch/ vnd andere vnzimblliche ver-  
bottene laster/ Wucherliche Contrect / auch das Zutrinctē/  
vbermässigkeit köstlicher kleydung/ vnd dergleichen vnord-  
nungen/



103  
nungen /mangel vnd gebrechen/abgestellt/hinsiro vermit-  
ten vnd fürkommen / Auch die vbertreter derhalben ge-  
straffet werden sollen vnd mögen / Vnd demnach die oban-  
gezogene/ dauor im truck außgangen/ Reformation vnnnd  
ordnung abermals für die handt genomen/dieselben besich-  
tigt/zusammen gezogen/in etlichem gebessert/gemehret vnd  
geendert/vnd dise hiebey verwarthe Reformation vnd ord-  
nung/mit zeitigem Rathe auffgericht/vnd endlich beschlos-  
sen/ auch yedem Churfürsten/ Fürsten/ Grafen/ Freyen/  
herren ic. vnd Ständ des heyligen Reichs/ausserlegt vnnnd  
ernstlich beuollhen/solche Reformation vnd ordnung guter  
pollicey zu befürderung des gemeinen nutz/in jr yedes Thur-  
fürsten/ Fürsten/ Grafen/ Freyen/herren vñ Stands Thur-  
fürstenthumb/ Fürstenthumb/Land/obigkeit vñ gebiete/  
nach endung irer Keyserlichen Maiestat iungstgehalttem  
Reichstags/in negstem darnach volgendem Jare/auffgeen  
zulassen/Ernstlich gebietende vnd wollende/Das ein yeder  
Stand des Reichs solcher Reformation vnd ordnung/al-  
les ires Inhalts/bey peen vnd straff/in einem yeden arti-  
ckel verleibt/strengtlich vnd festigtlich/für sich selbst/gele-  
ben/vnd die jren dohin weisen vnd vermögen sollen/diesel-  
ben der Keyserlichen Maiestat Reformation vnd ordnung  
guter pollicey/bey vermeidung derselben straffen/also vn-  
uerbrochenlich zuhalten/vnd dero nachzukommen/ Vnnnd  
wo yemand darüber solche der Keyserlichen Maiestat/ver-  
manung vnd gebot verbrechen/vnd vbersarn würde/Die  
selben/bey der gefazten peen vnd straff/wie die Keyserlich  
Reformation vnd ordnung außweiset/zustraffen.

Vnd aber die Römisch Keyserlich Maiestat/vnser aller  
gnedister Herr/am vierzehenden plat irer Keyserlichen Ma-  
iestat pollicey vnd Reformation/ einen artickel (darin den  
Obigkeiten/ordnungen fürzunehmen/beuollhen würdet) be-  
greiffen

greiffen vnd stellen lassen hat/ Das vilerhandt vnnorwendiges/ vbermessigs kostens/ so auff den Hochzeiten/ Kinder-  
tauffen/ Begrebnußen/ vnd dergleichen/ vilfeldig vnd vn-  
nützlich auffgewendet würdet/ Ober das auch/ in andern  
mehr puncten/ als im Elinmaß/ Maß vnnd Gewicht/ der  
vbermessigen zerung halben bey den Wirten/ der Arbeiter/  
Tagelöner vnd Poten belonung vnd speisung halben/ Vnd  
dann Kälterung/ zubereitung/ gemacht vnd ablassung der  
Wein halben/ allerhandt vnrichtigkeit/ vnordnung/ vn-  
gleichheit vnd schedlicher vberfluß vermerckt würde/ zu be-  
schwerlicher verhinderung des gemeinen nutz ic. wie dann  
solcher Artickel/ etlicher vieler handwerker halben/ nach  
lengs fernere vermeldung vnd anzeigung thut/ Vnnnd aber  
in allen solchen puncten/ ein gemeine/ beständige/ richtige  
ordnung (vngleichheit der Land/ auch derselben gebrauch/  
gewonheit vnd sitten halben/ vnd dann von des wegen/  
das speiß vnd tranck/ in einem Land/ in zimlichem/ im an-  
dern aber/ in vil einem höhern tauß ist) nit wol für genom-  
men/ vnd in das Werck gebracht werden mögen/ Sonder  
das in solchem/ vnterschiede/ nach yedes Lands gelegenheit  
zuhalten sein wolle/ Vnd die hochgemelt Keyserliche Ma-  
iestat/ für notwendig geachtet/ alle solche puncten/ der obrig-  
keit eines yeden orts zubeuelhen/ in allen vnd yeden obgemel-  
ten puncten/ Artickeln vnd angezogenen mengeln/ in iren  
obugkeiten/ Landen vnd gebieten/ nach gestalt/ gelegenheit  
vnd gebrauch derselben/ gute/ erbare/ richtige vnd bestän-  
dige ordnung vnd maß/ Zu befürderung gemeines nutz/ vñ  
zu abwendung vbermessigs kostens/ Auch zuuerhaltung vñ  
abstellung gefeßlichen betrugs vnd anderer mengel/ zum für-  
derlichsten/ in Jarßfrist dem nechsten/ machen/ den iren ver-  
künden/ vnd in das Werck bringen/ Darüber auch ernstlich  
vñ festiglich halten/ vñ die vngehorsamen straffen sollen/  
bey vermeydung nemblicher peen ic.

Auff solche der Keyserlichen Maiestat/ den obrigkeiten  
heimbgestelte Artickel/ darinnen selbst/ vnter den iren/ ord-  
nungen/ fürzunehmen/ haben wir an stat vnd von wegen  
hochgedachts vnser gnedigen herin/ Marggrauen Georg  
Friderichs zu Brandenburg ic. die sachen vnter handt ge-  
nommen/ Die fürnembsen puncten vnd artickel/ darauff  
mit bestem fleiß beratschlacht/ vnd bewegen/ vnd in densel-  
ben/ souil vnser gnedigē herin obgemelt/ Fürstenthumb/  
Lands/ Obigkeit vnd gebiets gelegenheit/ immer zulassen  
vnd leiden wollen/ gemeinem nutz/ vnser verhoffens/ mit  
wenig ersprießlich/ maß vnd ordnung fürgenommen vnd vn-  
terschiedlich in truck bringen lassen/ Wie jr hieneben/ in son-  
derheit/ auch vernemen werdet.


Demnach/ Dieweil an stat. des hochgemelten/ vnser  
gnedigen herin/ Marggrauen Georgen Friderichs zu Bran-  
denburg ic. Auch für vns selbst/ der hochgedachten Keyser-  
lichen Maiestat/ vnserm allergnedigsten herin/ wir vns/  
vnterthenigsten gehorsam zu leisten/ schuldig erkennen/ So  
vbersenden wir euch/ ired Keyserlichen Maiestat/ mit Chur-  
fürsten/ Fürsten vñ Stenden des heyligen Reichs beschlos-  
sene/ angenomene vnd bewilligte/ im truck aufgangene vñ  
publicirte ordnung vnd reformation guter pollicey/ Vnd  
dann in andern/ den Obigkeiten heimbgestellten artickeln/  
darinnen selbst ordnungen fürzunehmen vnd zumachen/ vn-  
sere beratschlagte vnd mit bestem fleiß/ bewege maß vnd  
ordnungen/ zu befürderung des gemeinen nutz/ hieneben zu/  
wie jr vnterschiedlich sehen vnd vernemen werdet/ Vnd ist  
darauff an stat/ in namen vnd von wegen/ obgenants vn-  
ser gnedigen herin Marggrauen Georgen Friderichs zu  
Brandenburg ic. vnser ernstlicher beuelch/ für vns selbst/  
freundtlich vnd gütlich begerendt/ jr wollet solche der Key-  
serlichen




seelichen Maiestat pollicey / Reformation vnd ordnung / vñ  
dann in den andern / den Obzigkeiten heimbgestellten Arti-  
ckeln / vnser / in schufften vnd truck / begriffene ordnung vnd  
maß / zum allerfürderlichsten vnd vnuerzüglichsten / Auch  
hernach Järllich / vnd ein yedes Jar besonder / zweymal / als  
nemlich / Erstlich / auff den Sontag nach Liechtmeß / vnd  
zum andern mal / auff den Sontag nach Michaelis / bey  
euch / ab allen vnd yeden Rahts vnd Gerichtshuusern / vnd  
in mangel derselben / ab allen Canzeln vñnd Predigstulen  
ewers Ambts / offentlich vnd wol vernemblich / durch ye-  
des orts Stat oder Gerichtschreiber / vnd in mangel dersel-  
ben / durch die Psarzhern / derselben verweiser / Capellän /  
oder Helfer / verlesen vnd verkündigen / Vnd solche beede /  
der Keyserlichen Maiestat pollicey Reformation vñnd ord-  
nung / Auch vnser / auff die andern Artickel / begriffene ord-  
nung vnd maß / in ewere Stat oder Gerichtsbücher / da-  
mit sie nit verloren werden / mit fleiß binden oder hefften  
lassen / euch für ewere personen / denselben gleichformig er-  
zeigen / vnd fürter bey allen vñ yeden hochgedachts vnser  
gnedigen herin vnterthanen vnd verwanten ewers ambts  
mit ernstlichstem / getreuestem vñ besten fleiß / selbst daran  
vnd darob sein / auch durch andere verordnen vñnd verfü-  
gen / Damit sich alle vnd yede personen ewers ambts / sol-  
cher Keyserlichen Maiestat pollicey vñ Reformation / alles  
vnd yedes / ires inhalts / begriffs / Vnd dann vnserer / in an-  
dern artickeln / verfaßter maß vnd ordnung / gemeeß halten  
vnd beweisen / Vnd die vberfarer vñ verbiecher / so oft in  
einem oder mehr puncten vnd artickeln / verbrochen vñnd  
vberfaren würdet / peen / buß vnd straff / auff einen yeden ar-  
tikel gesetzt vnd geordnet / von dem oder den verbiechern /  
(Mans oder Weibs personen) vnnachleßlich zunemen / vnd  
hietin / wer die personen sein mag / niemandes zuuerschonens  
vnd also alle verwürckte bussen vnd peen / yedesmals ein-  
zubringen /

zubringen/vnd wie hernach volgen würdet/ aufzuteilen/  
Aber gedachtem vnserm gnedigē hern/ seinen Fürstlichen  
gnaden zugebürenden drittenteil zuuerrechnen/ vnnnd an or-  
ten vnd enden sichs gebürt/ zuerlegen/ Des vnnnd keins an-  
dern also zugesehehen/ wollen wir vns/ an stat mergemelts  
vnfers gnedigen hern/ bey vermeidung seiner Fürstlichen  
gnaden/ ernstlichen vngnad/ auch straff Leibs oder guts/  
vnd dann empfflichung vnd verhütung / aller/ bey yedem  
artickel vnd puncten/ bestimbter vnd geordneter peen vnd  
buß/ zu euch allen/ vnd yeden in sonderheit/ ernstlich vnnnd  
genglich verlassen von hochgedachtem vnserm gnedigen  
hern/ gegen den gehorsamen/ in sondern gnaden zuerken-  
en/ vnd dann/ von vns freundlich zubeschulden.

**Volgen hernach**







**Folgen hernach die Arti-**  
ckel/ darinn die Römische Keyserliche Mate-  
stat 2c. vnser aller gnedigster Herr/ den Obri-  
keiten / selbst ordnungen fürzunemen/  
beuelch gethan hat.

## Von Hochzeiten.

**N**ächstlich von Hochzeiten / so in hoch-  
ermelts vnser gnedigen herin Marggrauen Geor-  
gen Friderichs zu Brandenburg 2c. Fürstenthumb/  
Land/ Obrikeit vnd gebiet/ in allen Stetten vnd  
auffm Land/ gehalten werden/ Das kein Hochzeit (auffer-  
halb der des Adels) mit gastung/ lenger gehalten werde/  
dann einen tag/ vnd nemlich andern tag/ des rechten orden-  
lichen Kirchgangs/ zum morgenmal/ vnd auff den abent/  
also/ das alle vor vnd nach Hochzeiten / entlich vnd genz-  
lichen abgeschnitten seien vnd vermiten werden sollen. Ob  
aber yemand frembdes/ auff Hochzeit geladen vnd erbeten/  
die ferne halben des wegs/ am abent vor dem Hochzeit tag  
erscheinen vnd einkommen wurden/ denen mag in Wirts  
oder andern behausungen/ nach willen vnd gelegenheit des  
Brentigams/ zimblliche vnterhaltung gegeben/ vnd darinn  
kein vberfluß gebraucht werden.

Es sollen auch auff ein yede solche Hochzeit mit meh-  
dann zwu vnd vierzig Manß vnd Weibs personen/  
von den negstgesipten oder sonst guten freunden/ darunter  
b auch

auch die Juncckfrawen/ Junge gesellen/ Trumelschlager/  
Pfeiffer vnd dergleichen/ begriffen sein sollen/ geladen vnd  
beruffen werden.

Vnd soll des morgens nit mehr/ dann fünff/ auch des  
abends nit mehr/ dan vier gemeiner Essen/ auch darunter nit  
vber ein essen Fisch/ darzu auch kein Welsch noch ander /  
dann vngewerlich gemeiner Wein gegeben werden.

Item/ es soll auch niemand ychts/ auff kein solche hoch  
zeit schencken/ sonder allein yedlicher sein Mahl bezalen/  
vnd ein yedlich morgen Mahl / nit vber drey bagen / oder  
funffzig alter frenckischer pfening/ vnd die abend Mahl/  
nit vben zwon vnd vierzig pfening/ angedingt noch bezalt/  
werden/ vnd hierinn das hinüber geben gegen den Wirten  
auch nit mehr/ dann angezogene anzal der personen/ wie  
vnterschiedlich gemeldet/ auff die hochzeiten zuladen vnn  
zuberuffen/ bey peen vnd straff zehen gulden/ entlich ver-  
botten/ auch alle geuerd vnd arge list/ genglich außgeschloß  
sen sein. Wolten aber des Breutigams/ vnd der Braut/ An-  
hert/ Anfraw/ Vater/ Mutter / Bruder vnd Schwester/  
inen( nach der hochzeit ) etwas zu hausrath oder hauss-  
stewer schencken/ das soll denselben nechsten freunden vn-  
uerbotten sein.

Vnd damit sich auch die Wirt die malzeit vmb ob-  
bestimbte anzal gelts zugeben / nit zubeschweren haben  
mögen/ So soll ob dem artickel der Keyserlichen Pollicey-  
ordnung/ darin das Zutrinckē verboten/ mit sōnderm ernst  
gehalten / vnd die geladen personen auff den hochzeiten/  
ire kind vnd eehalten/ anheimbs blaben lassen. Oder wo ye  
die notturstt erfordert wölt oder würde/ ichts bey iren El-  
tern oder Herrschafften aufzurichten/ vnd sich bescheids zu-  
erholen/

erholen/Doch bey denselben nichts von essenden dingen  
heimzuschicken/vnd also das abtragen/bey straff eines hal-  
ben gülden/in allerweg zuuermeiden.

## Von Nachhochzeiten vnd abfertigung frembder geladener gäste/ nach den Hochzeiten.

**V**nd wiewol der Nachhochzeit halben/ so in Wirtshew-  
fern gehalten / ein vberflüssiger vnkost gebrauchet/ Vnnd  
mancher an der selben mehr/dann an der rechten hochzeit/  
anworden / Demnach zu abstellung vnd verhütung solchs  
vnnottürfftigen vnkosten/so gebieten wir/ an statt vnser  
gnedigen herren Marggrauen Georgen Friderichs zu Bran-  
denburg ic. das auff obgemelte hochzeiten niemand/am an-  
dern tag seiner hochzeit / einig Nachhochzeit mehr haben  
oder halten. Ob aber Bräutigam vnnnd Braut/ des andern  
tags/in iren oder irer Eltern behausungen/ vnd sunst nin-  
dert anderstwo/allein zu abfertigung der frembden gelade-  
nen gäste/als zur suppen oder morgen malzeit/ein vngeuer-  
liche gästung haben wölt/das soll inen dermassen zugelas-  
sen sein/das nit mehr dann zehen/ oder auffs meist/ biß in  
zwölff/ Inheimische vñ frembde personen/ darunter Bräu-  
tigam/ Braut/irer beider Eltern/ auch Brüder vñ Schwe-  
ster/ begriffen sein sollen/ one einige pfeyyer vnnnd derglei-  
chen spilleut/ geladen vnd betruffen/ vnnnd den selben besser  
oder köstlicher essen vnd trincken/ nit dann am hochzeit tag  
dauor/ gegeben werden mögen/ Alles bey peen dreyer gül-  
den/die ein yeder verbrecher/ one gnad/ zu bezalen schuldig  
sein soll.

b ij Von

## Von vnordenlicher Köst lichkeit der kleydung.

**W**iewol wir vnordenlicher köstlichkeit halben der kleydung/  
der sich die Bawersleut auff dem Land/die Brüger/Inwo  
ner vñ Handwercker/auch die Gewerbflaut/so vom Rat/  
Geschlechten/oder sunst fürnemblich im hertommen sind/  
vñd ier zins vñ renten geleben/auch jr aller haußstrawē/  
Sōne/Töchter/handwercks gesellen/knecht vñd mayde/  
vbersflüssig gebrauchen/Dieser zeit/auch gen/gebürliche  
verordnung gethan/vñd maß gegeben haben wölten/hat  
es doch in solcher eyle/vñd das diser punct vñd artickel/mit  
hochgedachts vnfers gnedigen herin/genachtbaurten Für  
sten/Grauen/Hern/Adel / Frey vñd Reichstetten/bewe  
gen/vñd ein einhellige/gleichmessige verordnung gethan  
werden muß/füglich nit sein/noch geschehen mögen. Wie  
wölten aber nit vñterlassen/disen puncten wie yetz gemelt/  
mit genants vnfers gnedigen herin/anstossenden vñd ge  
nachtbaurten Fürsten vñd andern / mit fleiß zubewegen/  
vñd vns einer einigen gleichmessigen ordnung zuvereinigen/  
Vñd fürter dieselben/in alle hochgedachts vnfers gnedigē  
herin Fürstentumbs/Lands vñd Obrißkeit/ambt vñd Ge  
biet/zum fürderlichsten/auch außgehen lassen/Vñd vns  
in des vñd mñtler zeit/ zu einem yeden gantzlichen versehen/  
Das sich ein yeder/weiß werden oder hertumens der sey/  
mit seinem Weib/Sōnen/Döchtern/Knechten vñd May  
den/nach yedes stands ehren vñd vermögen/kleiden/vñd  
das tragen werde / das in yedlichen standt / vñterschied  
liche erkantnuß sein möge / vñd hierinn kein vbersuß ge  
braucht werde.

Von



# Von Kindtauffen/ Kind-

beth oder Sechßwochen höfen /  
wie manß nent.

**I**tem zu eines yedlichen / hochgedachts vnfers gnedigen herin Fürstenthumbß/ Lands/ obigkeit vnnnd gebiets/ in Stetten vnd auffm land Irwoner/ ( die des Adels außgeschieden ) kindtauff/ sollen nit vber sechs Frawen/ außserhalb der Geuattern vñ Hebammen/ berufft vñ gebraucht/ Auch denselben kein Malzeit zuessen/ aber wol mag ynen ein Confect/ Obs oder Keßß vnd brot/ nach eines gelegenheit/ sambt einem zimblichen trunck gemeines Weins oder Biers/ gegeben werden.

Herwiderumb soll auch niemaudt/ dann allein der oder die Geuatter / in die Kindbet nichts schencken/ dann der Anien oder Kindbethkellerin vngewertlich ein halben parzen Auch des oder der Geuatterin/ schanck/ vber ein ort eines güldens an geldt nit sein / aber wol mag man weniger schencken.

Vnd soll hinfüro/ weder in Stetten noch auffm land/ in gemelts vnfers gnedigen herin Fürstentumb/ obigkeit vnd gebiet ( außserhalb dero des Adels ) gar kein kindbeth oder sechßwochen hofe/ noch schenck/ wie mans nent oder namen haben mag/ gehalten werden/ bey straff vnnnd peen fünff gülden/ so oft yezt angezogener artickel / einer oder mehr/ verbrochen vnd vbertreten würdet.

## Von den Kirchweichtagen.

**I**tem/Nachdem vil vbermessigs/vnnottdürffigs Costenß/auff haltung der Kirchenweicht tage gangen ist/der vnd an der redlichen versachen halben/dann hievor in gemelts vnserers gnedigen Marggrauen Georgen Friderichs zu Brandenburg ic. Fürstenthumb/Land/obuckit vnnnd gebiet verbotten worden ist/kein Kirchwey zuhalten / biß auff weitem bescheid/soll es noch zur zeit/ bey dem selben bleiben/Es were dann auff den grenzen / do vmb handhabung willen der Kirchtagschuz vnd anderer obigkeit/die Kirchweyhungen gehalten werden müßten/ Vnd ob gleich widerumb/nach gelegenheit der sachen vnd leufft/allenthalben/Kirchwey zuhalten/gestatt würde / So sollen doch dieselben/anderst nit/dann in der Kirchen begangen/vnnnd kein gemein gastung daran/wie bißher/ gehalten noch gebraucht werden/bey peen vnnnd straff fünff gülden/vnnachleßlich zubezalen.

## Von andern Gastungen.

**I**tem/Wann sunst yemandt/ in gemelts vnserers gnedigen herrn Marggrauen Georgen Friderichs zu Brandenburg ic. Fürstenthumbs/Land/obuckeyt vnnnd gebiet (aufferhalb dero des Aldes) gastungen haben will/ es sey zu morgens oder abents/der soll nit vber vier zymlicher gemeiner essen/auch darunter nit vber ein essen Fisch/darzu kein Welsch noch ander/dann gemein Wein geben.

Item

# IIII

Item/es soll auch sunst der Inwoner/in Stetten vnd auff dem Land/ teglich zeren/schlemmen vnd spilen/ in den Wirtshausen nit gestattet/ sondern allenthalben abgestellet/ vnd durch die Ambtleut/ fleissig auffmercken gethon werden. Wer auch/ was stands vnd vermögens die sein/ die teglich in Wirtshausen ligen/ zeren vnd spilen/ Vnd do sie dann befinden oder ermessen können/ das der oder dieselben personen solch teglich zeren vund spilen/ von iren gütern oder diensten/rechter ordenlicher weisz/nit vermögen/ also/ das ein vermütung ist/ das sie gemelt teglich zeren vnd spilen/mit Rauberey/ Diebstal oder vnzimlichen betrugerey ihres nechsten erobern/Darauff dann alle hochgedachts vnser gnedigen herrn/ ober vnd vnter Ambtleut/ ir fleissig achtung haben vnd bestellen/ Vnd/ so sie also yemandt arckweng funden/ dasselbig mit guter vnterricht/ an vns gelangen lassen sollen/ wie ein articel in gemelts vnser gnedige herrn/ halßgerichts ordnung auch vermag/ Damit solch teglich füllerey vnd andere leichtfertige handlung fürkommen werde.

Item/ kein Inwoner hochgemelts vnser gnedigen herrn Marggraue Georgen Friderichs zu Brandenburg 12. Fürstentums/ Lands/ obrigkeit vnnid gebiet/ mans oder weibs personen ( ausser des Adels ) sollen auch kein spil thun/ wie das genandt werden mag/ do ein person tags vñ nachts/ vber einen halben gulden verspilen mag/ bey einem gulden straff/ von dem verbrochenden vnnachleßlich zu bezalen. Darauff auch die Ambtleut/ Castner/ Vögt/ Richter/ Bürgermeyster/ vnd Schultheissen/ ir fleissigs auffmercken haben sollen/ alles bey straff funff gulden/ so oft verbrochen würdet.

Wie lang

Wie lang die Wirt oder  
ander Wein oder Bierschencken/ solch  
getranck gegen der nacht/ auß jren  
Heusern geben sollen.

**I**tem/so bald es im Summer neun/ vnd im Winter acht  
hora gein der Nacht schlecht. soll kein Wirt/ weder in Stet-  
ten noch auffm Land/do es schlagende vhm hat/kein tranck  
mehr aus dem hauß geben / Es sey dann wissentlichen  
francken Leuten. Auch mit fleiß auffmercken geschehen/das  
alles trincken/schlemmen vnd prassen/auch außserhalb der  
Wirtshheuser/ vber obgemelte stunden/ abgeschnitten vnd  
nit geduldet werden/ bey straff fünff gülden/ die der Wirt  
vnd ein yeder inheimischer/ der oder die/ vber bestimbt  
zeit ( außserhalb der gewanderten Leut ) betreten werden/  
zwen gülden vnnachlässlich bezalen sollen.

Wo es aber auffm Land in den Flecken/do Wirtschaft-  
ten/ aber doch kein schlagende vhm sind / soll den Amte-  
leuten/ Castnern/ Vögten / Schultheissen 2c. hierinn ord-  
nung zumachen vnd zugeben/vnd darob mit fleiß vnd ernst  
zuhalten/ beuollen sein.

Darzu soll auch kein Wirt/ Wein oder Bierschenck/ in  
Stetten oder auffm Land/ gemelter zeit/ nach angezeigten  
horen oder stunden/yemande Inheimischen/in den Wirts/  
Wein oder Bierschenckheusern/zutrincken oder zuspülen ge-  
statten/ Darzu auch ein glock/ die Weinglock genant/ me-  
niglich damit zu warnen/verordent vñ geleut werden mag/  
bey nächst gemelter straff.

Item



Item/es soll in allen vnfers gnedigen heren Stetten/  
niemands im Summer nach neun/vnd im Winter nach acht  
horen/one ein Liecht auff der gassen gehen/ bey straff eins  
orts eins gülden/vnnachleßlich zubezalen/oder einen tag vñ  
nacht/mit Wasser vnd Brot im Thürn gestrafft zu werde.

Auch weder zu Hochzeiten/noch sunst vber das ganz  
Jar/one wissen/willen/vnd erlaubtmuß / vnfers gnedigen  
heren Ambteut im Summer/vber neun/vnnd im Winter/  
vber Acht hora/ mit Trummeln/ Pfeiffen/ Schalmeyen/  
Zinken/Sackpfeiffen/Lauten/ Geygen vnd andern Sey-  
ten/pilē/ wie die genant werde mögen/gar keins außgenom-  
men/auff den gassen/nit gegangen/ vnd in sonderheit alles  
bochisch vnd vnzüchtig schreyen/jauchzen vnd singen/auff  
den gassen/vnd in den heusern/vermiten werden.

Item/man soll auch weder tags noch nachts/in vnfers  
gnedigen heren Flecken/ mit keiner Büchssen schießen/ bey  
peen fünf gülden/ vnd nach gelegenheit straff leibs vnnd  
guts. Ob dann yemand sein Büchssen vber nacht in Wirtz-  
heusern oder andern herbergen geladen vnd gespannt nit  
lassen wolt/ der mag dieselben/ vor dem eintreten/ einfarn/  
oder eingehē/im Felde/ausser der Stat oder Fleckens/ ab-  
gehen lassen. Vnd sollen die Wirt/ in disem fahl ire Geste/  
sie seyen hochs oder niderßstands/getreulich warnen/ des  
wissens zuhaben/vnd sich des abschießens/ in Stetten vñ  
Flecken/genglich zuenthaltē.

Don

Von früssuppen essen/Branten  
wein seylhaben/Müssig geen/steen vnd spacieren  
auff den Kirchhöfen/ vnd in den  
Kirchen / vnter dem ambt vnd  
predig Göttlichs worts.

**V**nd dieweil davor/offentliche Mandata / verbot vnd beuelch des Früssuppen essens/ Brantenwein seylhabens/müssig geens vñ steens oder spacirens halben auff den Kirchhöfen vnd Kirchen/an den Feyrtagen/vnter dem Ambt vnd verkündigung des allein seligmachenden götlichen Worts ( wie vns angelangt ) außgangen/ aber denselben gar kein wirkliche volziehung geschehen/ Sollē alle yetz angezogene vnd andere davor außgangene Mandata vnd beuelch/ zu gemeinem nutz vnd guter pollicey dienstlich/ durch die Ambtleut yedes-orts/ onuerzug widerumb vernewert/ vnd mit ernstlichem fleiß darob/ auch bey den geordneten büßsen/darinnen niemands verschonet/ gehalten werden/ one alles geuerde.

Vntertrünck oder zechen  
en inwischen den Malzeiten betreffende.

**I**eteglich erfahrung gibt/ was vberflüssigs/ vnnotürffigs vnkosten/ an den abendzechen oder vntertrüncken/ in den Wirtz vnd Gastgeben heusern/ dem gemeinē man/ iren weybern vnd gesind/ auch den hantwercks gesellen/ aufflaufft. Dann do will sich niemand an den abendzechen oder vntertrüncken/an gewonlichem zimlichem keß vñnd brot/ wie vor alters/genügen/vnd setzigen lassen/ Sonder auch bißweilen

weilen von fleisch/ fischen oder Ayern/ auch ychts gehabt haben/ Welchs aber die abendzech vñ vntertrunck dermassen erhöhet/ Vñ vertewert/ do etwo ein person davor/ ein zimliche zech oder vntertrunck / auch kees vnd brot/ mit zehen/ zwölff oder auffs meist fünffzehen pfennigen vnserer Münz/ verrichten mögen/ Xezt/ so man von fleisch/ fischen oder Ayern/ neben dem kees vnd brot/ ychts auffsetzt/ ein person/ mit dreissig pfennigen oder zehen Creuzern/ schwerlich zureichen mag. Daraus dem gemeinen volck/ mit kleiner vnrat vnd beschwerlicher nachteil eruolgt. Solches aber hinsüro zukommen/ so soll hiemit allen vnd yeden hochgemelts vnseres gnedigen herrn Amptleuten/ Castnieren/ Richtern/ Bürgermeistern/ Schultheissen/ vñ Dorffmeistern / aller vñnd yeder ampt ernstlich beuolhen sein/ allen Wirten/ Wirtin vnd Gastgeben/ irer Ambtsuewartung/ offtigedachtem vnserm gnedigen herrn zugethan vñ verwant / getreulich vnd ernstlich zuuerbieten / hinsüro/ in iren heusern vñnd herbergen/ zwischen den Malzeiten/ an den Zechen vnd vntertruncken/ den einheimischen zechleuten/ darunter yedes Ambtsuewartante auffm Land/ auch begriffen sein sollen/ von fiesch/ fischen oder Ayern/ gar nichts/ sonder allein/ zimlich kees vñnd brot / auffzusetzen vnd zugeben/ Alles bey straff fünff pfund gelts/ die der Wirt oder Wirtin/ so oft sie dises verbot verbrechen/ one nachlassen/ geben sollen/ one geuerde.

## Abend Lantz an Feyer

tägen nit mehr zuhalten.

**W**As beschwerlichen vnd nachteiligen vnrats / Gotslesterung/ Fluchens / schendens vñnd schmechens/ bißher aus den Abendtzenzen erfolgt/ das ist menigklich vnuerborgem/ Dañ do finden sich gesellē/ die vmb Krengelein singē/ reist ein  
c ij                      ner dem

ner dem andern die Mayd am Tanz aus den Henden/ Do  
 hebt sich widerwill vnter inen/ werden die Mayd vneinig/  
 legen sich die Eltern darein / do ist alsdamm des schendens  
 kein ende. Was dann mit dem vmbtrehen vnd schwencken  
 der Mayd/ an den abent vnd andern Tenzen/ für vnzucht  
 getriben/ vnd die Döchter verführet/ Ja auch/ durch gemach  
 te anschleg bey den abent Tenzen/ zuzeiten zu schanden ge  
 macht werden/ das gibt die teglich erfahrung/ Solchem vn  
 rath vnd vnzucht aber/ souil möglich zufürkommen/ Wol  
 len wir/ das hinfüro alle Abend Tanz/ auff den gassen vnd  
 in den heusern ( eheliche hochzeiten außgeschieden ) entlich  
 abgestellt/ vnd an denen orten/ do man Vesper helt/ biß zu  
 Vesper zeit/ vnd lenger nit/ vnd an andern orten/ vber fünfß  
 Ohn nach mittag kein abent Tanz mehr/ gehalten werde  
 soll/ Alles bey peen vnd straff/ das Trummelschlager/ Pfey  
 ffer vnd andere Tanz macher/ ire Trumeln/ Pfeyffen vnd  
 alle andere Instrument/ keins außgenomē/ verwürckt ha  
 be/ die inen auch alsbalden/ durch die Statt/ Gerichts oder  
 darzu geordnete Knecht oder püel/ genommen werden sol  
 len. Vnd wo ein oder mehr Manß person/ an hochzeiten  
 oder Abendtenzen/ mit verdrichen oder schwencke der may  
 de/ oder auß dem Keyen faren/ gesehen wirdet/ die alle vnd  
 yede sollen / so oft sie sich verdrichen vnnnd die Mayden  
 schwencken/ zwölß pfenning/ Vnd wo zwo Webs perso  
 nen/ die weren Jung oder alt/ miteinander Tanzen vnnnd  
 sich selbst auch verdrichen oder Schwencken wurden/ der  
 yede so oft sie sich vertreiben oder schwencken oder aus  
 dem Keyen faren / soll zu straff vnd buß sechs pfenning/  
 vnnachleßlich zugeben/ auff anzeigen der Stat oder Land  
 knecht/ von den Dögten/ Richtern/ Dorffmeistern vnd be  
 nelchhabern/ getrungen werden.

Keinen



## Keinen Hannen dantz mehr zuhalten.

**W**As vnzüchtigen vnd schentlichen lebens vnd wesen/ vnter den jungen gesellen vnd Mayden/ der Jugend zu grosser ergernuß bißher/ bey de hānen Tenzē/ geübt vñ gebrauchet worden/ das ist menigklich vnuerborgen/ Dieweil dan die jugent/ so hernach wechß/ bey den hannen Tenzen nichts/ dann grosse vnzucht vnd Ergernussen sihet/ vnd so bald sie ein wenig hernach wachßen/ die hannen Tenz/ nit mit kleinen irem nachteil vnd schaden/ auch besuchen wöllen/ Dasselbig aber hinfüro zuuermeiden/ in bedacht/ das eines yeden Chusten leben vnd wandel/ vor Gott vnd der Welt/ zu zucht vnd Erbarkeyt geordnet sein/ Soll hiemit allen vnsern gnedigen Herrn/ Marggrauen Georgen Friderichs zu Brandenburg 1c. Ambtleuthen/ Castnern/ Vögten/ Richtern/ Verwesern/ Schultheissen/ Bürgermeystern/ Rethen/ Doiff vnd Viertelmeistern/ beuolhen sein/ in allen Stetten/ Mercken/ Doiffen/ Weylern/ noch sunst keiner ende noch orth/ gedachts vnserns gnedigen Herrn Fürstenthumbs/ Lands/ obrigkeit vnd gebiet/ keinen hannen Tanz zugestatten/ zugeulden noch zulaiden/ bey peen vnd straff fünff gulden/ vnnachßlich aufzurichten vnd zubezalen.

## Rocken Stuben nit zu- halten/ noch auch das Fenster (wie man es nennet) zugestatten.

**W**As schadens vnd schentlichen mißbrauchs/ der nechtlchen Rockenstuben halben/ bißher eruolgt/ das hat menigklich guts wissen/ Klemlich/ das mehmal / in solchem zusamen kommen/ die Töchter verführet/ hinter den Eltern zu

c iij      vnzim-

vnzimblichen Ehen beredt/ auch etwo geschwecht vnn  
gar zuschanden gemacht werden/ Das auch die gesellen  
einander darob erwarten/ verwunden vnn tod schla-  
gen/ Zu dem/ das in solchem zusammen kummen/ vñ rede  
vnd handlungen geschehen/ zu allerley vnrat vnd vnchi-  
stlichen sachen dienende/ Vnd darumb solche Rockenstubē/  
etlicher massen abzuschaffen/ vnd in solchen nachteilen/ ern-  
stlich einsehen zu haben/ für nutz vnd notwendig angesehen/  
Diervel das wort Gottes/ das den vnterthanen/ in hoher-  
nants vnfers gnedigen herin Marggrauen Georgen Fride-  
richs zu Brandenburg ic. Fürstenthumb/ Land/ Obigkeit  
vnd gebiet/ teglich/ Christlich fürgetragen wirdet/ solchs  
zum höchsten verbeut/ So wollen wir an stat vnd in Na-  
men seiner Fürstlichen gnaden/ hiemit allen Ambleuten/  
Castnern/ Vögten/ Schultheissen/ Burgermeistern/ Rethē  
vñ Gemeinden/ seiner Fürstlichen gnaden Fürstenthumbs  
Land/ obigkeit vnd gebiet/ ernstlich gebotten haben/ Das  
hinsuro niemands/ von mans oder weibs personen/ aus ei-  
nigem Dorff oder Flecken/ in hochgedachts vnfers gnedi-  
gen herin obigkeit vnd gebiet/ darinn es sein pflegliche wo-  
nung hat/ in ein ander Dorff/ in ein Rockenstuben geen/ son-  
der soll ein yedes anheimbs/ in seinem Dorff bleiben/ Vñ ob  
ein Weibs person wil/ dopselbst zum Rocken geen. Vnd sol-  
len sich in den Stetten vnd gemaurten Flecken/ die jungen  
gesellen vnd andere mans personen/ der Rockenstubē auch  
enthalten/ vnd bey nachuolgender straff darein/ keins wegs  
kommen.

Vnn so in einem Dorff/ ein Rockenstuben ist/ so soll  
kein junger gesell oder mans person darein geen/ oder die be-  
suchen/ Auch der die Rockenstuben helt/ keinen jungen gesel-  
len oder manß person/ auch kein frembde mayd/ aus andern  
Dörffern/ oder Flecken/ darein lassen/ sonder das/ nach al-  
lem seinem vermügen/ in alle weg fürkommen/ vnd in sol-  
chem gar kein geuerde gebrauchen.

Wo aber

## VIII

Wo aber der Wirt/ einen jungen gesellen oder mans person oder frembde mayd hierüber einlassen würde/ so soll er hochgedachtem vnserm gnedigen Herrn / Marggrauen Georgen Friderichen zu Brandenburg ic. von einem yeden/zween gülden zu straff geben/ Vnd ein Junger gesell oder mauß person vnd frembde magd/ die also in die Rockstuben geen/ so offt sie dieses verbot verbrechen/ einen gülden/vnnachleßlich zu straff verfallen sein vnd geben / Darauf dann die Ambleut/Castner/Vögt/Richter/ Bürgermeyster vnd Schultheissen/ jr ernstlich auffsehen haben/ vnd niemands verschonen/ Auch die verwürckten straff vn büßsen/getreulich einbringen vnd verrechnen sollen.

Vnd soll hierin vns darzu vorbehalten sein/ einen yeden vmb das laster/den mutwillen/nachteil oder schade/den er äbt/zustraffen/ Alles mit einem solchem ernst/ das man den selben/ als mißfellig/ sehen vnd erkennen soll/ darnach wisse sich meniglich zurichten.

Vnd nach dem auch/ ein schentlicher ergerlicher gebrauch/das fenstern genant/neulicher zeit eingerissen/ dadurch allerley vnreath vnd vnzucht gestiftet würdet/ Soll solcher ergerlicher gebrauch bey straff drey gülden vnnachleßlich zubezalen/ ernstlich verbotten sein.

## In den Welden/ Höl- bern/ Wildpanen vnd Wildfuern mit zuschießen.

**W**iewol vnser gnedige Fürsten vnd Herrn/ die Marggrauen zu Brandenburg ic. seliger vnd hochlöblicher gedencken  
mo

1117  
muß/dauor mehimals/ ernstliche Mandata vñnd verbot  
außgeen lassen haben/in irer Fürstlichen gnaden Welden/  
hölzern/ Wildpánen vñnd Wildfuern / des schießens/ mit  
Büchssen vñnd Armbrusten/ entlich müßig zusteen / Befin-  
den wir doch souil/ das solchen dauor außgangnen manda-  
ten/wenig nachgegangen/vñnd das Wildbret/ one scheuch/  
abgeschossen werden wil/ Dasselbig aber hinfüro/ so viel  
müßlich / zufürkommen/ So soll demnach hiemit menig-  
lich/mit höchstem ernst verbotten sein / sich des schießens  
vñ pirschens/an/in/vñ auff gemelts vnfers gnedigen herin  
Welden/hölzern/ Wildpan vñ Wildfuern/ genzlich zuent  
halten/vñnd gar keins wegs/hoch oder Roth wildbret zu-  
bürschen/ noch einig klein Wildbret/geflügel/vñnd anders/  
one erlaubnuß oder begünstigung / weder mit Büchssen  
noch Armbrusten zuschießen/ heimlich/ noch öffentlich/  
alles bey der straff an leib vñ gut/nach gestalt der vbertret-  
tung/Darñ wir vñs auch/dermassen erzeigen wollen/das  
vnser mißfallen/in der that gespürt werden soll.Vñ sollen  
hochermelts vnfers gnedigen herin Diener vñnd Wiltmei-  
ster/bey den pflichten/damit sie seinen Fürstlichen gnaden  
verwand sind/auff solche Pirscher vñnd Schützen/vñnd  
die mit den Büchssen oder Armbrust tragen/schießens hal-  
ben/ in den Wildfuern verdecktig gefunden werden/ mit  
fleiß streiffen vñnd achtung haben/ denselben die Büchssen  
oder Armbrüster zunemen/ sie zuuerstricken/ vñnd zugebür-  
licher ernstlicher straff zubringen / Vñnd sonderlich daran  
vñnd darob zusein/damit den Schaff/pawern vñnd meßkerß  
hunden/die sie mit jnen vber feld lauffen lassen/ zur zeit des  
Wilbrets kalbung/ Brügel/dreyer spannen lang/bey straff  
eines gülden/oder höherer straff/nach gelegenheyt der ver-  
würckung/angehengt werden.

Vñnd nach dem bißheer/ das geflügel vñnd Wilbruth/  
das zur Speiß vñnd notturst der Menschen dienstlich ist/  
in der Buert vñnd sunst/ zu vnzeiten/ durch abnemung der  
Ayer/



Ayr/der jungen vögel/vñ abfahung der alten darob/Auch durch Büchssen/Rhor/vnd Armbrust schützen/sehr gemindert vnd abgethon worden ist / Solchs nun ferner zusükumen/vnd in möglichet wesen zubringen/ So setzen vnd gebieten wir/an stat vnfers gnedigen Herrn Marggrauen Georgen Friderichs zu Brandenburg ic. ernstlich/ das hinfüro/jerlich niemand gemeltem vnserm gnedigē vnterthon verwät oder zugethon (one begünstigūg oder erlaubtms) von sant Peterstag Stälffeyer an/biß auff sant Jacobs tag im schnit darnach/keine Hasen/Aychhorn/Kebhüner/Wachtel/Lerchen/nach sonst kein ander geflügel/wie das namen hat/vnd man zuessen pflegt/weder mit Stricken/ Garnen/Böglein/schrenzē/oder sunst/in einicherley weis/damit mā solch Wildpret vnd geflügel/nit fahen/abthun/nach schiessen soll weder mit Büchssen/Armbrusten/Rhorn oder anderm einigem zeug/zu abthung des Wildbiets oder geflügels dienende/Auch niemand kein Aye oder Junge/ von den Nesten abnemen/tragen/ oder die alten abfahen noch feyl haben sol/ weder in oder an den Welden/ im Felde/ Becken/ oder Wisen.

Doch hierinnen außgenommen/ Schwalben/ Starn/ Spercken vnd Ruchen/die mag man fahen.

## Von Twerer zerung bey den Wirten / volgt Keyserlicher Maiestat beuelch.

Vñ nach dem twerer zerung halb/bey den Wirten/ vil beschwerung/den Gessen vnd andern/ so die Strassen teglichs gebrauchen müssen/zugefügt/ vnnd nit allein dem gemeinen

meinen man/sonder auch Churfürsten/ Fürsten vnnnd iren  
Potschafften/vnd allen handthieren/vnd wanderern be-  
schwerlich/Darauff eruelget/das alle zering auffgestigen/  
auch alle essende speiß etwas höchlich vberwert werde/  
Dem zubegegnen/setzen/ ordnen vnd wöllen wir/ das ein  
yede Obrigkeit/in iren gebieten/ ein ordnung vnd satzung  
den Wirten/vnter inen gessen/ auffricht vnd verordne/  
das ordenlich/nit vber vier Essen geben / Auch ein satzung  
mach/was der Gast ordenlich/für solch Mahl geben sol.  
Ob aber ein Gast besser leben wolt/vnd mehr dann vier es-  
sen/ wie gemelt/haben/so sol dasselb auch vbenomen sein.

Item es soll ein yede Obrigkeit/den Wirten ein maß ge-  
ben/Wie tewer vnnnd hoch sie den Wein/Bier/Brot vnd  
Fleisch verkauffen mögen/ nach gelegenheit der zeit vnnnd  
Lands/so wolfeyl oder tewerung zufallen würde.

Deßgleichen/soll durch yede Obrigkeit des Stalmuts  
vnd habers halber auch ordnung vnd maß gegeben wer-  
den/Vnd sonderlich das der haber angeschlagen/vnd den  
Wirten nit zugelassen werde/vber den dritten oder vierten  
pfenning daran zugewinnen/oder die Gest/ires gefallens/  
daran zu vbernemen/Alles mit büßen vnd straffen/die ein  
yede Obrigkeit / so an den orten/ do die Wirt gessen/ die  
Bürgerlich obrigkeit/one miß haben/ auffsetzen/einnehmen/  
vnd damit die ordnung handhaben vnnnd darüber halten  
sollen.

Doch soll ein yede obrigkeit/vnter denen die Wirt gese-  
sen/nach gestalt vnnnd gelegenheit der Jar/ ob dieselbigen  
tewerer oder wolfeiler fürfalle/ire ordnung zuendern oder  
zugeben/macht haben/Welche doch lenger nit wern/dann  
so lang die wolfeile vnd tewere Jar/ erfunden.

Von

## Von Malzeiten.

**S**etzen vnd ordnen wir / auff der Römischen Keyserlichen Maiestat/vnsers gnedigsten Herrn beuelch/das die Wirt/ in vnsers gnedigen Herrn Obigkeit vnd gebiet/ vnter seiner Fürstliche gnaden gessen/ verziger zeit/ von wegen der tewrung aller essenden ding (aufferhalb der hochzeiten/ als obē vnterschieden ist) von einer gewonlichen Malzeit/ nit mehr dann zehen Creutzer nemen sollen/ Ob aber ein Gast besser leben wolt/ der mag sich dethalbe mit dem Wirt vergleichē.

## Von Weinschencken.

**I**tem auff ob gemelten der Keyserlichen Maiestat beuelch/ ist vnser. an stat vnsers gnedigen Herrn satzung vnnnd ordnung / Wiewol vergangner zeit / vnsers gnedigen Herrn Marggrauen Georgen zu Brandenburg ic. hochlöblicher vnd seliger gedechtnuß regierung vnd abwesens/ Stathalter vnd Rethen zu Onolzbach/ in etliche Ambt ein außschreiben gethon/ wie von worten zu worten hernach volgt.

**L**eben freunde / Wiewol der Allmechtig / aus ewiger güte vñ Barmherzigkeit/vnuerdient/ Ja vber menigklichs sündlichs verschulden vnd vndanckbarkeit/ abermals seine götlichen segen/ vnd nach gewesener tewrung / nit allein notürfftig Getreid/ sunder auch ein vberfluß des Weins geben vnd wachsen lassen hat / onezweiffel / das nit allein die Wirt vnd ander sündler personen/ sonder auch der gemein Man desselben genießten/ vnd Gott vnserm himlischen Vater/ vmb solch vnd ander wolthat/ ewige lob vnnnd danck  
 b ij            sagen

sagen vnd erzeigen sollen / So werden wir doch in abwesen/vnd an stat vnser gnedigen Herrn/Marggrauen Georgen zu Brandenburg ic. bericht/das die Wirt allenthalben vber vnd wider/das der Wein an allen orten/aus obgemelter Gottes güte eins Wolsailen kauffs sey / dannocht einen vbermæssigen gewin suchen/vñ den Armen gemeinen Man mit irem thewer schencken/dermassen beschweren/ das sich der gemein Man/ausserhalb der Wirt/ solcher güte Gottes/wenig freuen/ noch der selben geniessen möge/ Vñnd dieweil dann alle obigkeiten von dem aller höchsten/dem gemeinem nutz/in sonderheit fürgesetzt/wir auch an stat/hochgenants vnser gnedigen Herrn schuldig vnd geneigt sindt/dem gemeinen Man vnd nutz zu gut/das best zubedencken/vnd zuhandeln/In sonderheit angesehen/ das der gemein Man/ der löblichen Herrschafft Brandenburg ic. in allen sachen unterthenige gehorsam/ hilff vñnd Steuer leisten vnd thun/ So ist in abwesen vnd an stat/ genands vnser gnedigen Herrn/vnser ernstlicher bewelch/ das ir allenthalben ewers Ampts/ ab vnd von den Rats oder Gerichtsherrn/vnd in mangel derselben/ab offner Cantzeln oder Predigstül/offentlich verkünden vnd darob sein wölt/ das biß auff weiter vnser gnedigen Herrn der Marggrauē oder irer gnaden Stathalter vñ Kethe bescheid/kein Wirt oder Weinschenck/keinen Most/alten oder neuen wein/bey seinen Aydspflichten vnd straff Leibs vnd guts/ höher oder anders schencke/dann das er vber das/was der Wein erst ankaufts/Auch an zoll / fürlohn vnd Ungelt gestet / an einer yedlichen Maß/zween pfenning vberschuß/ für allen andern vntkosten/abgang vnd gewin hab/ vnd nit mehr. Vñnd damit sich in solchem niemandt/auff einig vnwissenheit entschuldigen möge / So wollet keinem Wirt oder Weinschencken gestatten / Er hab dann an geschwornen Aydsstad gelobt/das er sich dieser Ordnung gemess halten/vnd darinn kein gewerde noch anders suchen oder thun wolle. Nichts desto weniger wollet auch den Wirthen /

vnd



vnd sonderlich den ihenen / darauff Ir ein verdacht haben möcht / mit fleiß nachfragen / was sie Ire Wein erſta ankauſſe / auch an Furlohn / zoll vnd Vngelt / biß anheims in Keller geſteen. Vnd ſo ir dann einen oder mehr findet / die dieſe vnſer zimblliche ordnung hinfüro / gewerlich vbertreten würden / die wöllet von ſtundan zu gefencknuß vnd ſtraff annehmen / vnd ire verhandlung hieher gelangen laſſen / Darauff auch weiterer beſcheid / wie ein yedlicher geſtrafft / gegeben werden ſoll.

Damit aber auch Gottes ſegen vñ güte nit mißbraucht / ſonder dem Allmechtigen / wie vorgemelt / billiche danckbarkeit erzeigt werde / So wölten wir durch diſe ſagung / das ſchädlich leſterlich zutrincken / nit erlaßt haben / ſonder der halben / vnſer gnedigen herren der Marggrauen außgegangene / Chriſtliche verbot vñd Mandata / ſolches zutrinckens / vñd der Gottes leſterung halben ſampt der Stet vñd Flecken / erbarn guten ſagungen vñd ordnungen / in allen iren Wirten vñd Krefſten bleiben laſſen / das denſelben getreulich volg geſchehe / Verlaſſen wir vns / von irer Fürſtlichen gnaden wegen / genzlich zu euch. Datum Montags nach Burckhardi / Anno 12. Im einvñddreißigſten.

Stathalter vñd Rathe im  
Hauß zu Onolzbadh.

An alle Ambtleut / Caſtner / Vogt /  
Bürgermeiſter vñd Rathe.

b. iij

Darin

ix  
Darin nun/ biß auff vnfers gnedigen herin/ oder seiner  
Fürstlichen gnaden/ Stathalter/ Regenten vnnnd Kethe/  
weitem bescheid gesetzt worden/ das kein Wirt/ oder Wein/  
schenck keinen Most/ alten oder neuen Wein/ höher oder  
anders schencken soll/ dann das vber das/ was der Wein  
erst ankaufts/ auch an zol/ fuerlon/ vnd Vngelt gestet/  
auffß höchst zwen pfenning vberschuß/ vnd nit darüber/ an  
einer yedlichen maß/ für allen andern vnkosten/ abgang vñ  
gewin hab/ vnd nit mehr: ic. laut oben eingefürts Stathal-  
ter vnd Kethe ausschreibens/ Dobey lassen wir es/ bis auff  
fernern bescheid/ auch bleiben. Doch auff messigung yederer  
ort/ Bürgermeister vnd Rathe/ oder anderer beuelchhaber/  
wie es der Land gelegenheit/ damit der Wein nit höher ge-  
schenckt werde/ erfordern/ vnd am besten sich leiden will.

## Von Bier/ Brot vnd Fleisch.

**D**Jeweil auch vil klage an vns gelange/ das in etlichen vnfers  
gnedigen herin Stetten vñ Flecken/ nit allein der Wein/ son-  
der auch Bier/ Brot vñ Fleischschazens/ schenckens vñ ver-  
kauffens halben/ kein rechte gemeinnuzige ordnung gehalten  
werde/ Vnd dann die Römische Keyserliche Maestät/ ei-  
ner yeden obigkeit aufflegen/ in solchem vnd andern maß  
zugeben/ wie obsteet/ Wir auch das vnd anders gemeinem  
nuz zu gutem/ zuthun/ schuldig vnd geneigt seien/ Vnd aber  
nach gelegenheit der zeit vnd Land/ so wolfeil oder tewe-  
rung zusallen/ in solchen/ nit gewisse leidliche ordnungen ge-  
macht werden mögen/ So beuelhen wir allen vnnnd yedli-  
chen/ vnfers gnedigen herin Ambtleuten/ Castnern/ Vög-  
ten/ vnd Richtern/ aller vnnnd yedlicher seiner Fürstlichen  
gnaden Ambr/ das in einem yeden Ambr/ vnfers gnedigen  
herin

Heten Fürstenthumbs vnd Lands/mit Rath/ wissen vnd  
 willen/ Bürgermeister vnnnd Rathe an einem yeden ort (so  
 nit Bierschencken/ Becken/ oder Metzler/ oder zum wenig-  
 sten mit eigennützig sein) aller obgemelter stück halben/ nach  
 dato diß brieffs/ in Monats frist den nechsten/ vnd fürder  
 alle Jar/ auch ein yedes Jars besonder/ nach gelegenheit  
 der zeit vnd Landsart/ auch zufallender wolfeile oder tewe-  
 rung/ gute ordnung fürnemen/ machen/ vnnnd ein yedlichs  
 Jars oder zeit/ lauter vnterschiedlich setzen vnnnd fürsehen  
 wolt/ Wie die Bier gerecht/ vñ gut geprewet/ vmb ein zim-  
 lich gelt geschenckt/ Auch wie das Rucken vnd weiß brot/  
 zum besten gebachen/ Desgleichen allerley guts Fleisch/  
 vnd ein yedlichs besonder/ in seinem zimlichem wert/ gege-  
 ben/ verkaufft vnd gekaufft werden soll/ Also/ das die Bier-  
 schencken/ Becken vnd Metzler desselben zukommen mö-  
 gen/ vñ der Gemein Man nicht beschwert werde/ Das mā  
 auch an allen enden/ gut Bier/ Brot vnnnd allerley Fleisch/  
 vber das ganz Jar habe/ vnd daran/ souil Got genad gibt  
 kein mangel erschein/ alles bey sünderlichen/ hohen straffen  
 vnd peenen/ Wie jr dieselben setzen/ vnd vnnachlässlich ein-  
 bringen solt/ mit welchen peenen es auch/ wie mit andern/  
 als hernach geschriben steet/ gehalten werden. Vnnnd was  
 also yetzt vñ hinfüro/ in obberürten stücken/ von euch Ambt-  
 leuten/ mit Rath/ wissen vnd willen/ Bürgermeister vnnnd  
 Rath/ eines yeden Orts geordnet würdet/ das wollet  
 yedesmals/ lauter vnd vnterschiedlich/ in schrifft verfas-  
 sen/ vnd vns/ mit daneben grüntlicher bericht/ Was euch  
 yedesmal zu solchem/ das ein Jar oder zeit anders dann  
 das ander gesetzt würdet/ bewegt hab/ zuschicken/ dassel-  
 big auch zusehen/ vnd ob von nöten/ darinn enderung/ bes-  
 serung/ minderung/ oder mehruung zuthun/ vnd deß statli-  
 cher darob wissen zuhandhaben.

Don

## Von Stallmied.

**D**eshgleichen sollen auch vnfers gnedigen Herrn Ambtleut/  
Castner/ Vögt/ Bürgermeister vnd Rath ( ausserthalb der  
so offene Wirtschafft halten ) yetzt vnd hinfüro Jedlich/ in  
einem yeden Ambt/ Stat/ Flecken/ Dorff oder Weyler/ vn  
fers gnedigen Herrn gebiete/ do Schenckstatten/ oder offen  
wirtschafften/ vnter seinen Fürstlichen gnaden gelegen sein/  
ordnen/ was ein ydlicher Keytender oder Fürman/ tag vnd  
nacht/ zu Stallmied geben/ vnd das ein yeder Wirt mit mehr  
nemen soll/ vnd darinn auch yederzeit/ die gelegenheit des  
Lands/ vnd wie wolfeil Hay vnd Stroh/ an einem yeden  
Orth ist/ oder sein würdet/ mit fleiß ermessen/ vnd dergestalt/  
das die Wirt solcher sätzung leidentlicher weise zukumen  
mögen/ vnd die Keytenden/ auch Fuerleuth/ mit/ wie bißhe  
ro/ vbermässiglich/ beschwerd werden/ Auch bey nembli  
cher vnnachlässlicher straff/ darauff zusezen/ wie oben  
gemelt.

## Vom Habern.

**W**ie es dann mit dem Habern/ bey den Wirten vnd Gastge  
ben gehalten werden soll/ volgt hernach vnd also/ Diu weil  
von einem Sümpera haberns/ vnfers gnedigen Herrn Cast  
stenmaß/ das dem Nürnbergger Sümpera eben gleich ist/  
do zwen vnd dreissig Mergen/ in ein Sümpera geen/ dauon  
man ein nacht zwey vnd dreissig pferden/ vnd also an einem  
Mergen/ ein gut fütter auff ein pferd/ tag vnd nacht hat/ ha  
ben wir nach grundlicher Rechnung/ wann ein Wirt den  
dritten pfening/ am habern zu gewin haben sol/ außgezoge  
vnd geordnet/ zweinzigerley habern kausse/ alsz hernach  
verzeichent ist/ nemblich.

So



# XIII

- 1 So das Sumera vmb viij lb. kaufft würedet / köbt der Mez vmb viij s. . iij. vrtel j hellers / Thut der gewin an einem yeden Mezen iij s. . iij. vrtel j hellers.
- 2 Das Sumera vmb x lb. kombt der Mez vmb ix s. . iij vrtel j hellers / Thut der gewin an einem yeden Mezen iij s. . j vrtel j hellers.
- 3 Das Sumera vmb xj lb. kombt der Mez vmb x s. . iij vrtel j hellers / Thut der gewin an einem Mezen iij s. . iij vrtel j hellers.
- 4 Das Sumera vmb xij lb. kombt der Mez vmb xj s. . j heller. Thut der gewin an einem Meze iij s. . ij heller.
- 5 Das Sumera vmb xij lb. kombt der Mez vmb xj s. . ij vrtel j hellers. Thut der gewin an einem yeden Meze iij s. . j vrtel j hellers.
- 6 Das Sumera vmb xij lb. kombt der Mezen vmb xij s. . j vrtel j hellers / Thut der gewin / an einem yeden Mezen iij s. . iij vrtel j hellers.
- 7 Das Sumera vmb xv lb. kombt der Mez vmb xij s. . j vrtel j hellers / Thut der gewin an einem yeden Mezen iij s. . j heller / iij vrtel j hellers.
- 8 Das Sumera vmb xvj lb. kombt der Mez vmb xv s. . Thut der gewin / an einem yeden Mezen v s.
- 9 Das Sumera vmb xvij lb. kombt der Mez vmb xv s. . j heller. . iij vrtel eins hellers / Thut der gewin / an einem yeden Mezen v s. . iij vrtel j hellers.
- 10 Das Sumera vmb xvij lb. köbt der Mez vmb xv s. . j heller. . iij vrtel j hellers / Thut der gewin an einē yeden Mezen

Meyen v s. j heller. j vrtel j hellers.

- 11 Das Sumera vmb xix lb. kombt der Mez vmb xviij s. j heller. iij vrtel j hellers/Thut der gewin an einem yeden Meyen v s. j heller. iij vrtel j hellers.
- 12 Das Sumera vmb xx lb. kombt der Mez vmb xvij s. i heller/Thut der gewin/an einem yeden Meyen vj s. j heller.
- 13 Das Sumera vmb xxi lb./kombt der Mez vmb xix s. iij vrtel j hellers/Thut der gewin/an einem yeden Meyen vj s. j heller. j vrtel j hellers.
- 14 Das Sumera vmb xxij lb./kombt der Mez vmb xx s. j heller. j vrtel j hellers/Thut der gewin an einem yede Meyen vj s. j heller. iij vrtel j hellers.
- 15 Das Sumera vmb xxij lb. kombt der Mez vmb xxi s. j heller. j vrtel j hellers/Thut der gewin an einem yede Meyen/vij s. iij vrtel j hellers.
- 16 Das Sumera vmb xxij lb./kōbt der Mez vmb xxi s. j heller/Thut der gewin/an einem yeden Meyen vij s. j heller.
- 17 Das Sumera vmb xxv lb. kombt der Mez vmb xxij s. iij vrtel j hellers/Thut der gewin an einem yeden Meyen vij s. j heller. iij vrtel j hellers.
- 18 Das Sumera vmb xxvj lb. kōbt der Mez vmb xxij s. iij vrtel j hellers/Thut der gewin an einem yeden Meyen viij s. j vrtel j hellers.
- 19 Das Sumera vmb xxvij lb. kōbt der Mez vmb xxv s. iij vrtel j hellers/Thut der gewin an einem yeden Meyen viij s. iij vrtel j hellers.

Das

20 Das Sumera vmb xxvij lb. kombt der Mezen vmb  
xxvj s. 3 heller/ Thut der gewin an einem yeden Mezen  
vij s. 4 heller.

## Das die Wirth den Ge- sten die zerung vnterschiedenlichen rechnen sollen.

Nach deme auch von den Wirten allerley gefahr darinnen ge-  
braucht wird/ Das sie den Gesten/ die zerung/ nit vnter-  
schiedlich rechnen/ sondern allein in Summa anzeigen/ So  
setzen vnd ordnen wir/ das alle Wirt in hochgenants vn-  
sers gnedigen herren obrigkeit vnd gebiete/ in Stetten vnnnd  
auffm Land/ einem yedlichen gast/ seine zerung/ War für er  
die schuldig/ vnterschiedenlich anzeigen/ vnnnd vorgesetzter  
vnsrer ordnung gemess/ rechnen sollen/ bey straff vnd verlie-  
rung der zerung der Geste/ denen nit vnterschiedlich gerech-  
net würdet.

## Wetz ist in Römischer Keyserlicher Maiestat ordnung vnd pollicey begriffen.

## Von Tagelönern vnnnd Arbeitern/ Bottenlohn.

DJeweil auch der Tagelöhner vnd arbeiter halb vmb den teg-  
lichen pfennig/ ein grosse vnordnung allenthalb ist/ in dem  
c ij das

das niemants / so derselben notturtzfig / die vberkommen  
mag / er gebe dan inen ires gefallen. Nach dem aber die tag  
lon / Bottenlon / Mung / die geschafft vnd arbeit in den Lan  
den nit gleich / so wollen wir / das ein yede obrigkeit / in irem  
gebiet / ein statliche ordnung vñ sagung derhalb auffrichte /  
damit der jenig so jr bedarff / nit ires gefallen vbernomen /  
vnd der Tagelöner / Man vnd Weibs personen / winter vnd  
sommer zeit / wess sie yedes tags zu lohn haben / vnd nemen  
sollen / wissens haben mögen.

## Allerley Handwercker ordnungen antreffende.

**S** Jeweil wir vns dann gantzlich versehen / Es seyen in vñnd  
bey den Stetten / auch Flecken vnd Dörffern auffm Land /  
hochgemelts vnser gnedigen herin Fürstenthumbs soult  
Maß / Gewicht / Elen / Tuchmacher / Tuchscherer / Kanten  
gießer / Siegler / Dachtecker / Mawerer / Zimmerleuth / Hand  
reicher / Katzenleuth / Thorwarten / Wechter auff der gas  
sen vnd mawern / Feuersehawer / Feuers not / Erhaltung  
der fließenden / auch Rhor vnd Zichbunnen / Bruderschafft  
ten / Allmussen vñ Gotskette / betler vñ anders ic. belangend  
gute erbare ordnungen / mit alters herkommen / Wo nun die  
selbē / wie billich / dem gemeinem nutz zu gutem / auffgericht  
vnd nit eigennützig sind / wollen wir es bey denselben noch  
mals beruhen vnd bleiben lassen / vñ hierin einige enderung /  
nach dem nit wol yedes orts gelegenheit oder vngelegen  
heit zu Hoff bedacht vnd fürgenomen werden mag / nit ge  
than noch fürgenommen. Vnd wo in obberühter / vnd an  
der vnbenanter Artickeln / einem oder mehr / gemeinem nutz  
zu gutem vnd dienstlich / besserung gethon werden möcht /  
Wollen wir solchs hochgemelts vnser gnedigen herin  
Ambtleuten / Castnern / Dögten / Richtern / Bürgermeistern  
Doiff.



Dorffmeistern vñ Räte/aller vñ yeder Ambt/Stet/Fleckē  
vñ Dorffer/ hiemit zum bestē/ vñ getreulichstē zuverordnen  
vnd zubeßern heimgestellt vnd bevolhen haben/ vnd hinfü  
ro ob denselben/ höchstes vnd bestes fleiß/ gebärlliche hand  
habung zuthun/ Die verbrecher/ wie sich gebürt/ yederzeit/  
so oft verbrochen wüldet/ zustraffen/ vnd in demselben nie  
mants zuerschonen/ vnd also gleichheit zuhalten.

## Von Reisigen Knechten vnd Dienstbotten.

**N**ach dem sich auch vil begiebt/ das einer dem andern seine  
Knecht vñ dienst Ehalten/ auffserlicher weise thut abdin  
gen/ Auch dienstbotten vñ Knecht zuzeit/ mutwilliglich  
aus iren diensten treten/ Wollen wir/ das keiner des andern  
Reisigen Knecht vnd andere Dienstboten/ annemen soll/ er  
zeig dann zuvor ein erkunth an/ das er von seinem hern vñ  
Edelman/ mit willen vnd ehilich abgesehen sey.

Vnd nach dem Knecht vñ Magd/ auch vil irung ma  
chen/ also das sie leichtlich iren herrschafftē aus den Dien  
sten treten/ So ordnen vnd setzen wir hiemit vnd wöllen/  
Welcher einem oder einer/ one seinen oder iren willen vñnd  
wissen/ ein Knecht oder magd abdingt/ d as der oder diesel  
big/ der obrigkeit einen gülden/ Reinscher Landswerung  
zugeben/ verfallen sein soll.

Item welcher Knecht oder Magd/ seiner herrschafft vor  
der zeit seins gedings/ one redliche vnd bewegliche vsachē  
aus dem dienst giengē/ Der oder die/ sollen den verdienten  
lohn verwürckt/ vnd zuffordern mit mehr macht haben/ vnd  
in/ in der Stat/ Marckt/ Vorstat/ Dorff/ Hoff oder Mäln/  
ferner zudienen/ mit gestattet werden.

Deßgleichen/welcher Knecht oder Magd/sich zu einer  
herrschaft verdingt/vnd den dienst annimbt/bewilliget/  
zugesagt/vnd Leickauff/wie gering der sein möcht/darauff  
empfinde/vnd nachuolgendes/ehe er oder sie/in dienst trete/  
sich zu einer andern herrschaft verdingte/Deme/oder den  
selben/soll in der Stat/Marckt/Dorff/Weller/hoff oder  
Möln/weiter zudienen/nit mehr gestattet werden.

Es soll auch ein yede obigkeit/so vil die dienstpöten be  
trifft/in seinen gebieten/ein sätzung/(nach dem der Lohn/in  
wenig Jaren hoch gestigen)auffrichten/wie dieselbig/nach  
eins yeden Lands gelegenheit/iren vnterthanen vnd gemei  
nen nutz/zum fruchtbarlichsten ansehen würd/Damit sie  
ires gefallens/nit aus den Diensten treten/vnd derselben vn  
gehorsam vnd eygen will/fürkommen werde.

## Von Leichtfertiger bey wonung Keyserlicher Maiestat beuelch.

**S** Jeweil auch vil leichtfertiger personen/ausserhalb von  
Gott auffgesetzter Ehe/zusamen wonen/auch der offent  
lich Ehebruch/vngestraft gestat/dardurch der Almechtig/  
nach deme es wider sein Göttlich gebot/hochbeleidiget/  
auch zu vilen ergernussen vrsach gibt/Derhalben ordnen  
vnd wollen wir/das ein yede geistlich vnd weltlich obig  
keit/der solchs ordenlich zugehöret/ein billichs einsehen ha  
ben soll/Damit soleh offentlich laster/der gebürt nach/ernst  
lich gestrafft vnd nit geduldet werde ic.

Darauff zweiffelt vns nit/merigklichen/vnd sonderli  
chen alle vnsers gnedigen hern/Marggrauen Georgen  
Friderichs

Friderichs zu Brandenburg ic. vnterthonen/seyen mit allein in dem Artickel/als obsteet/in der Römischen Keyserlichen Maiestat ordnung begriffen/sonder auch/durch lauter vnd Rein predigen/Gottes gesez vnd Worts/so nun etliche Jar in gemelts vnser gnedigen herin Fürstenthumb vnd Land teglich/vnd wochenlich/auff verleyhung götlicher gnaden/geschehen sind/Vnd noch für vnd für gethan werden/gnug erinnert vnd bericht / Wie hochstrefflich/ die leichtfertigen beywonungen / ausservhalb von Gott auffgesagter Ehe/ vnd der offentlich ehebruch sey/Vnd dierweil dann mit allein in des heyligen Reichs Rechten/ vnd darauff auffgangnen halßgerichts Reformation/solch vnd ander leichtfertigkeit vnd Sünde/bey hohen straffen vnd peenen/verbotten sein/ Sonder auch vergangner Jar der Concubinarij/ vnd vnehelichen beywonung halben/von gedachts vnser gnedigen herin/herin Vater/Marggrauen Georgen zu Brandenburg ic. vnsern gnedigen herin seliger löblicher gedechtnuß. an alle seiner Fürstlichen gnaden Ambleut/Castner/Vögt/Bürgermeister vund Rethen/aller Stette vnd Ambt/sonderlich auffschreiben geschehē sind/Wie auch von worten zu worten hernach volgt.

Von Gottes Gnaden Georg Marg-  
grau zu Brandenburg ic.

**L**eben getrewen / Wiewol weilundt vnser lieber Bu-  
der Marggrau Casimir seliger gedechtnuß/von seiner Lieb  
vnd vnsern wegen/in derselben Abschied vund meinung/  
auff den beschluß des Speyerischen Reichstags/ ernstlich  
beuolē/vñ im truck außgeen lassen hat/ßz die Püesterschafft  
kein Concubin oder verdecktliche weibs personē bey inen  
noch auch wesenlich oder teglich zu vñ von inen geend ha-  
ben/ Das

147  
Das auch bey vnsern Weltlichen vnterthanen/kein vneheli-  
cher beysitz geduldet werden sollen/ So werden wir doch  
statlich vnd glaublich bericht/ das etliche geistlichen vnnnd  
weltlichen stands/ bey euch solch ir Concubin vnd verdeckt-  
liche weiber/ noch nie von sich gethan/ auch eins teils/ wi-  
der zu sich genommen/ vnd noch bey sich haben/ Alles zu of-  
fentlicher verdamblicher ergeruñß des gemeinen mans/ wi-  
der das klar wort Gottes/ darzu wider die Beshstischen  
Recht/ vnd obgemelt/ vnser außgangen meinung vnd be-  
scheid. Vnd diervail wir aber solche offentliche schand vnd  
laster/ in vnsern Landen vnd gebieten/ keins wegs lenger ge-  
dulden noch leiden wöllen/ So beuelhen wir euch hiemit  
ernstlich/ bey den pflichten/ damit jr vns vñ vnsern lieben  
Jungen vettern vnd pfleg sone verwant seyet/ das Jr alle  
solche/ verdecktliche oder verleumbde/ ergerlich pfaffen  
Mayd/ Concubin vñ vnehlich beywohnung/ in vnsern gebie-  
ten/ keins wegs geduldet/ sonder Inen vnser Stett/ Merckt  
vñ Döffer verbietet/ das sich die auffß förderlichst/ in einer  
bestimbten zeit darauff thun/ Das auch darin niemandt  
verschönet werde/ vnd welche das nit thet/ die solt Jr als  
dann von stundan gefenglich annemen/ in die Eysen legen  
vnd in branger stellen/ auch fürter vnser Fürstenthumb  
Land vnd gebiet/ verschweren lassen/ Vñ welche das auch  
vberfüre/ dieselben alsdā auch/ mit weiter peinlichen straff  
des Meinayds/ laut vnser Halsgerichts ordnung straffen.  
Des vnd keins andern/ wollen wir vns zu euch allen vnnnd  
yeden besonder/ ernstlich vnd genglich verlassen/ Als lieb  
auch ewer yedem seye/ vnser vngnad vnd straff zuuermei-  
den. Datum Blassenburg/ am Donnerstag nach Cantate/  
Anno 1c. 1538.

Wollen wir solch gedacht vnser gnedigē herrn/ Marg-  
grauen Georgen zu Brandenburg 1c. hochlöblicher seliger  
gedechtnus ausschreiben / hiemit wider vernewt haben /  
Vnd



Vnd gebieten hierauff/ allen vnd yedlichen seiner Fürstlichen gnaden verlassenen Sons/ vnser gnedigen Herrn Marggrauen Georgen Friderichs zu Brandenburg 1c. Ambtleuthen / Castnern / Vögten / Richtern/ Burgermeistern vñ Rethen ernstlich/ Das sie in seiner Fürstlichen gnaden Obuteiten vnd gebieten/ kein vnehlichen beysitz oder Ehbruch gestatten/ leiden/ oder gedulden/ Vnd noch vilweniger dasselbig selbs thun/ sonder solche Sünd/ schand vñ laster/ vermöge gemeiner Recht/ vnd halbsgericht ordnung vnd hievor außgegangenen ausschreibens/ ernstlich vnd vnachleßlich straffen.

## Von Fasnacht Ruch- lein/ vnd Fasnacht kleidern.

**D**erweil auch das Mummen vñ die Buzen oder Fasnacht Kleyder/ do sich Fräwen in Manß/ vnd Mann in Fräwen Kleider verstellen/ vor Gott ein großer gewel ist/ Auch vil schand vnd laster/ wie die erfahrung gibt/ darunter geschicht So soll hinfüro ernstlich verbotten sein/ das niemandt/ immer zu keiner zeit des Jars/ mit verdeckten angesichten/ oder in Fasnacht vñnd buzen kleidern ( ehliche züchtige Schwert vnd Reißtenz außgenommen ) gehen soll/ bey der Straff des Thurns/ Vnd ob die Lateinischen oder Teutschen Schüler/ yezzeiten/ ein Comedien lateinisch/ oder ein historien/ in heyliger schrifft gegründet/ teutsch offentlich spilen wolten/ das soll denselben hiemit vnbenommen vnd vnuerbotten sein.

f Wehe

## Wehre nit Zucken/vnd Fridbot zuhalten.

**W**iewol vnser gnedige Fürsten vnd Herin/ die Marggra-  
uen zu Brandenburg ic. hochlöblicher vnd seliger gedech-  
nus / mermals gebott außgeen lassen haben / Ausführen/  
zweyung/haderey/schlachtung vnd verwundung zuuer-  
hüten/Dem allem aber wenig volg geschehen/ vnd noch  
teglich in den Witzherosern / Hochzeiten / Zugelblezen/  
vnd andern orten eruolgen. Demnach soll hiemit allen vn-  
sers gnedigen Herin/ Marggrauen Georgen Friderichs zu  
Brandenburg ic. vnterthanen vnd verwanten/Auch sonst  
allen Inwonern seiner Fürstlichen gnade Fürstenthumbs/  
Lands/obrigkeit vnd gebiet/hiemit auffß ernstlichst gebot-  
ten sein/ das hinfüro keiner vber den andern/ einich wehr  
zucken soll/bey straff eines guldē/vnnachleßlich zubezalen.

Welcher aber hierüber/ein wehr vber dē andern zucket/  
Es sey ein Schwert/Messer / Degen / oder ander ferliche  
wehr/derselb soll obbenante peen/gemeltem vnserm gnedi-  
gen Herin / one nachlassung verfallen sein/ vnd durch die  
Ambtleuth/Castner/Vögt vnd Richter/eingebracht vnd  
verreckent werden.

Vnd wo hinfüro/in einem oder mehr hedern/ wider-  
willen vnd schlachtungen/ durch yemandt/ wer der oder  
die weren/von hochgemelts vnser gnedigen Herin wegen  
bey einer peen/ Frid/gebotten würde/vnd einer oder mehr/  
denselben Frid/nit halten würden/der yeder/ soll hochge-  
dachtem vnserm gnedigen Herin die peen / dobey ime also/  
durchden Fridbieter gebotten ist / one abgang/ auch ver-  
fallen sein.

## XVIII

Es soll auch keiner an dem/der vber den gebotten Friede/ Friede mit halten/oder geben wolt/sonder weiter zuschlagen/vnd sich vngbürllich halten/vnd also aus seiner selbst verursachung/ an seinen gliedern/ verletzt oder verwundet würde/mit gestreult haben/ auch jme einichen abtrag zu thun/mit schuldig sein.

Es möcht sich einer/so gar vngeschickt vnd freuenlich halten/man würde verursacht/ jne den verbrecher darzu weiter/an Leib vnd Gut zu straffen/ vnd darin soll keinen/ ob er wenig/ truncken oder sonst vngeschickt were/ nichts fürtragen/sonder wo das gefunden/ mehr dann sonst gestrafft werden.

## Bürger vnd Bawern Gericht belangend.

Nachdem vilerley Clagen an vns gelangen/ das in vnd bey den Stetten/auch in den Flecken vnd Dörffern/ auff dem Land/ den Inwohnern vnd außländischen/ die Bürgern vnd Bawern Gericht/zu großem nachteil vnd schaden/auch altem gebrauch vnd herkommen zuwider/ auffgezogen vnd nit gehalten/jnen auch ire gezeugen (aus vrsachen/das den Stat vnd Gerichtsschreibern/ vil hin vnd wider zureißen/vnd iren auch anderer personen sachen außzuwarten/zugelassen vnd bewilliget würdet) ganz langsam verhöret/vnd in solchem höchlich vnd groß vernachteiligt werden ic. Damit dann hierin gemelts vnser gnedigen Herrn vnterthane/ auch die außländischen/zu yeder rechten vnd gewöhnlichen/mit alters herkommener zeit/wie sich  
f ij gebürt

gebürt vnd billich ist/ Recht vnd alle Rechtliche nottunfft/  
bekommen mögen/ So soll hiemit allen gemelts vnser gne-  
digen herin/ Vögten/ Richtern/ Bürgermeistern/ Schulte-  
heissen/ die yetzt sein/ oder künfftig kommen/ vnd werden/  
bey den pflichten/ damit jr yeder/ genantem vnserm gnedi-  
gen herin/ verwant vnd zugethan ist/ beuolen sein/ in den  
Stetten vnd auff dem Land/ in den Flecken vnd Dörffern/  
die Bürgers vnd Bawern Gericht/ dermassen zuordnen/  
damit dieselben ( sovil immer möglich ) mit erlichen/ ver-  
stendigen/ vnuerleumbten personen besetzt/ Vñ hinfüro zu  
denen zeiten/ wie mit alters/ yedes orts herkommen/ vñnd  
der gebrauch gewesen ist/ zuuor/ zeitlich offentlich verkündet  
vnd nachmals gehalten/ Vnd one gnugsame/ notwendige/  
rechtmessige vsachen/ nit auffgeschoben noch erstreckt/  
Sonder menigklich Rechtens gestattet/ vñnd wie sich ge-  
bürt/ geholffen/ Auch den Statt vñnd Gerichtsschreibern/  
noch andern des Gerichts personē/ zur zeit der Gericht/ iren  
oder andern sachen aufzuwarten/ vnd also iren nutz zusu-  
chen/ nit gestattet werde/ Dann solten hierüber/ wie bishe-  
ro/ wider Clagen kein Hoff kommen/ gedencken wir gegen  
den verbrechern/ gebürliche straffen dermassen fürzunemē/  
damit vnser ernstlich mißfallen gespürt werden / Davor  
sollen sich die Vögt/ Richter/ Schultheissen/ Bürgermei-  
ster vnd Rathe/ zuuerwarren wissen.

## Gast Recht antreffend.

**W**ie kommen auch täglich Clagen für/ das den außländische  
zu irer mercklichen vnd grossen vngelegenheit/ nit allein in  
Stetten/ sonder auch in Flecken/ vñ Dörffern auffm Land/  
auff jr ansuchen vnd er bieten/ das zuerlegen vñnd aufzu-  
richten/



richten/so an ime selbst billich/auch mit alterß herkommen  
ist/die Gastrecht gewegert/vnd abgeschlagen/oder wo sie  
ye derselbē nit entberen mögen/mit vbermæssigem vnkosten  
höchlich beschwerd werden/Deme aber so vil müglich zu-  
fürkommen/vnd den außländischen so wol/als den Inwo-  
nern/auff jr ansuchen/Recht vnd billichkeit auch mit zutei-  
len/So ordnen/setzen/vnd wollen wir/an stat gemelts vn-  
sers gnedigen Herrn Marggrauen Georgen Friderichs zu  
Brandenburg 2c. das hinfüro/in allen seiner Fürstlichen  
gnaden Stetten/Merckten vnd Dörffern allen vnd yedem  
außländischen (vnangesehen wess herischaft dieselben ver-  
want oder zugethan sein) auff jr ansuchen vnnnd begern/  
Gastrechtens/wie sich gebürt/fürderlich vñ schleuniglich  
gestattet/vnd wess sie erlangen/Es hette dann Rechtmes-  
sige visachen/oneuerzug verholffen/Auch von yedem Gast  
rechten/mehr nit/dann fünf pfund vnd vierzeihen pfe-  
ning/gefordert vnd genommen werden/Es wer dann/ das  
solch Gastrecht/mit verhöhung der kuntschafft vnd in an-  
dere notwendige weg/mit beruffung der Gerichts personen  
soul machen soll/drey ort/vnd auffß meist/ ein gülden in  
Münz/vnd darüber nit gefordert vnd genommen werden/  
Alles bey buß vnd straff fünf gülden/vnd erstattung des  
was derüber den parteyen abgenommen ist worden/alles  
vnnachlässlich zubezalen.

## Mailordnung im Land belangendt.

**W**Jewol bißheer/von vnsern gnedigen Fürsten vnnnd Herrn  
seliger vnd hochlöblicher gedechtnuß/allerley auffschreiben  
vnd auff vorgeende gnugsame erfahrung vnd beschüttung  
der Mäln/in alle ambt außgangen/Vnd wie im Jar/alle  
f iij vnd

217  
vnd yede Mülh/yedes Ambts/zweymal/nemblich im Mer-  
zen vñ nach Michaelis/in beysein yedes Ambtmans/ Cast-  
ners/auch eines verstendigen des Rats oder Gerichts/ vñ  
dann eines erfarnen Becken/ mit vngewerlichem Getreid/  
Korns/Kernß/ vñ Dinkels/nit des bestē noch bösten/auff  
ein prob/ beschüttet werden solten/vñ wievil das Sumere  
Korns/Kernß oder Dinkels/Mezzen melbs oder Kerna  
geben würde/fürter die Müller mit ernst dohin zuhalten/  
einem yeden/souil Melbs oder Kerns/nach anzal des/in  
die Mülh geordneten/ vnd auff ein prob abgemalenen ge-  
treids zugeben/vom Merzen an/ biß auff Michaelis/ vnd  
dann Michalis die Mülh angezeigter massen/prob weiß/  
wider zubeschüttet/ vnd wievil das Sumera abermals  
Mezzen geben würde/dieselben anzal/ von Michaelis biß  
wider im Merzen zugeben 12. vnd mehr nit/ dann mit alter  
herkommen ist Nitz zunemen/oder durch die feinen nemen  
zulassen 12. Dieweil aber/wie vns anlangt/angeregte vnd  
dauor in alle Ambr vberschickte beuelch vñnd Mandata/  
die Mülh belangend/ in vergessen gestellt worden sind/ vnd  
vns von den vnterthanen vnd Irwonern/aller vnser gne-  
digen Herrn Ambt teglich klagen/der Müller vbermessigen  
Nitzens/ vnd andern Ires nachteils/ Aber gleichwol der  
Müller grossen vorteils halben/ fürkommen sindt/ wolten  
wir hierin/wie in allem andern/des ganzen Lands/ vñnd  
aller desselben vnterthanen vnd verwanten/nuz vnd from-  
men/wie billich/auch gern/getrewlichen/ vnd zum besten/  
gefürdert sehen/Vnd soll demnach allen vnd yeden/hoch-  
genants vnser gnedigen fürsten vnd Herrn/Marggra-  
uen Georgen Friderichs zu Brandenburg 12. Castnern/Rich-  
tern/Bürgermeistern/Rathen vnd Gerichten/aller vnd ye-  
der Ambt/ernstlichen/vnd bey den pflichten/ damit ein ye-  
der/hochgemeltem vnserm gnedigen Herrn zugethan vñnd  
verwant ist/beuollen sein/das ie die Castner/Dögt/Auch  
Bürgermeister/Rath vnd Gericht/mit bestem vnd getrew-  
esten laß/daran vñ darob sein wollet/damit hinfüro nach  
dato

dato alle vnd yede Mülñ ewers Ambts/im Jar zweymal/  
Nemblich im Merzen/ vnnnd dann in vierzehen tagen  
nach Michaelis/in dein Castners oder Vogts/ auch eines  
des Rats oder Gerichts/ vnd dann eines verstendigen er-  
fahren Beckens/ mit allerley Getreid beschüttet werden/  
Was oder wie vil Mezen dan/ in beschüttung der Mülñ/  
das auffgeschütt vnd allerley abgemalen Getreids auff der  
prob/Melbs oder Kerns geben würdet/ daselb auffzeich-  
nen/ vnd fürter solchs/ ewers Ambts verwandten/ auch  
frembden Malgesten anzeigen/vnnnd bey den Mältern mit  
ernst daran sein wöllet/den vnterthanen vnd Malgesten/  
nach anzal des/in die Mülñ gefürten/vñ zu einer prob auff-  
geschüttten vñ abgemalenen Getreids/ die gebürenden Me-  
zen Melbs/oder Kerns/one einigen abgang zugeben/vom  
Merzen an/biß auff Michaelis/vñ fürter von Michaelis/  
biß wider auff das Monat des Merzen/ vnnnd sich für sich  
selbst/vnd die iren/des vbermessigen Mizens/vnd allerley  
geware/genzlich zuenthalten/ bey straff zehen gülden Kei-  
nischer/ yedesmals/so oft vberfarn geschicht/ oder gefa-  
re gebraucht würdet/vnnachlässlich zubezalen/ Vnnnd das  
alle Mülner/vnsers gnedigen herin vnterthanen vnnnd ver-  
wanten/erstlich vnd nachmals wo sie vbermessigs Was-  
ser haben werden/frembder herischafft Leuten/auch Ma-  
len sollen/bey straff fünfß gülden.

## **Allerley Ambter vnd** dero verwaltungen Zerliche Rech- nung antreffende.

**W**ie werden auch/von vilen gedachts vnsers gnedigē herin  
Fürstenthumbs/ Inwonern/getrewer vnd guter wolmei-  
nung berichtet / Das von den Gotshausß Pflegern/ Bür-  
germeistern/Dorff vnd Dörtelmeistern/ Stewermeistern/  
f iii Gora



Gots vnd Allmussen/ auch allerley Bruderschafftten Mei-  
 stern/ Vormundern/ Curatoren/ vnd andern dergleichen  
 Ambrtagern vnd verwaltern/ Jertlich/ wie mit alten heer-  
 kommen ist/ etwo mit Rechnungen gethan/ noch auffge-  
 nommen worden ic. Welchs aber zuhören/ wo dem also sein  
 solt/ mit wenig beschwerlich/ sonder ganz nachteilig were/  
 Vnd demnach ist an stat/ hochermelts vnser gnedigen  
 herin/ vnser beuelch/ vnsern halben freündlichen vnd güt-  
 liche gesinnende/ das alle Ambtleut/ Verweser/ Castner/  
 Vögt/ Richter/ Bürgermeister/ Rethen/ Schultheissen/  
 Douffmeister vnd Viertelmeister/ aller vñ yeder obgenants  
 vnser gnedigen herin Ambt/ Stette/ Flecken/ Döffer vñ  
 Weiler ernstlich daran vnd darob sein/ vnd verfügen sol-  
 len/ damit von allen vñ yeden/ obgemelter Ambter tregern/  
 alle hinterstellige Rechnungen/ (wo dero etliche bishero  
 verbliben weren) auffz allerfürderlichst/ vnd dan die künff-  
 tigen Rechnungen yedes Jars/ in beysein dero mit alter dar-  
 zu gehörigen personen/ wie sich gebürt/ abgehört vnd auff-  
 genommen/ vnd durch weitere nachlässigkeit/ zu andern mit  
 vrsach gegeben werden.

## Außteylung der peen vnd Freuel.

Damit dann solche ordnung vnd Reformation guter polli-  
 cey/ deß fleißiger vñ statlicher gehandhabt werde/ So sol  
 solche vbertretung/ ein yeder/ bey seinen pflichten anzusagen  
 schuldig sein/ Vnd einem yeden warhafftigen ansager  
 oder ansagerin/ einer yeden vbertretung/ von der gelt peen  
 so auff sein ansagen eruoigt/ der drit theil werden/ Darzu  
 den ansager oder ansagerin/ nimeant verachten noch schme-  
 hen/ Dieweil sie solch zuförderst/ aus disem vnserm beuelch  
 bey iren pflichten/ auch zu fürderung oder handhabung ge-  
 meines nuz vñ guter pollicey thun/ als lieb menigklich sey/  
 gedacht



gedachts vnfers gnedigē herin vngnad vñ straff Labs vñ  
guts zuuermeidē/ Der ander dñt theil/ sol gemeltem vnserin  
gnedigen herin/ als der Obigkeit/ vñd der vberig dñt theil  
vnfers gnedigen herin Ambtleuten/ Castnen/ Vögten/  
Bürgermeistern/ vñnd Rethen/ eines yeden Ambts/ vñb  
auch besserer handhabung willen/ volgen.

Ob sich dann erfunde/ das yemand einiche vbertretung  
oder verbriedung aller voigeschriben ordnung/ pollicey/ ge  
bot vñ verbot/ höret/ sehe/ wesse oder erfüre/ der oder dis el  
ben sollē mit gleicher peen/ vñnachleslichē gestrafft werdē.

Do auch einiger solcher ansager oder ansagerin/ durch  
yemants/ von wegen seines anzeigens/ würde geschmehet  
werden/ der soll zehen gülden zu straff geben/ oder höher/  
nach gelegenheit vñd größe der schmach/ an Leib vñd gut  
gestrafft werden.

Vñd hierin behalten wir/ hochgenantem vnserm gne  
digen herin Marggrauen Georgen Friderichen zu Bran  
denburg ic. wann der zu seinen mündigen Jarn komet/ vñ  
mitler zeit / an stat seiner Fürstlichen gnaden/ vñs beuor/  
dise vnser ordnung vñ maß/ zumeern/ zumindern oder von  
newem zustellen/ Wie solchs vnfers gnedigen herin Für  
stenthumb/ Land vñd Leuten/ nach gestalt vñd gelegenheit  
der leufft vñd sachen/ yeder zeit/ für nutz vñnd gut ansehen  
würdet/ one alle geuerde. Des alles zu verkunt/ ist diser Ab  
truck ( auff Keyserlicher Maiestat/ vnfers allergnedigsten  
herin/ in etlichen außgesagten Artickeln heimstellen ) mit ge  
dachts vnfers gnedigen herin/ auffgedrucktem Secret ver  
secretirt/ vñd geben.

Johan. Petreius  
imprimebat.

